

Broj: 06-11-94-1/2023-R-7-11
Sarajevo, 06.12.2023. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, br.: 39/14 i 59/22), a na prijedlog stalne Komisije za provođenje postupaka javne nabavke roba, usluga i radova, imenovana Rješenjem, broj: 08-30-95/2023 od 22.02.2023. godine, sekretar Vlade Federacije Bosne i Hercegovine, d o n o s i

O D L U K U
O IZBORU NAJPOVOLJNIJEG PONUĐAČA ZA JAVNU NABAVKU ROBA –
NABAVKA KOMPJUTERSKE OPREME ZA POTREBE GENERALNOG SEKRETARIJATA
VLADE FEDERACIJE BOSNE I HERCEGOVINE

I.

U cilju odabira najpovoljnijeg ponuđača, u provedenom postupku javne nabavke: Otvoreni postupak za javnu nabavku roba – nabavka kompjuterske opreme za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-11-94-1/2023-R-7-1, broj Obavještenja o nabavci sa portala javnih nabavki: 854-1-1-172-3-37/23 od 02.11.2023. godine, Sažetak obavještenja o nabavci objavljen u „Službenom glasniku BiH-Oglasnik javne nabavke“, broj: 76/23, kao najpovoljnija prihvatljiva ponuda, nakon provedene e-aukcije, ocijenjena je ponuda ponuđača **PRINTEX d.o.o. Sarajevo**, sa ukupnom cijenom ponude u iznosu **6.530,00 KM** bez PDV-a.

II.

Ponuda Ponuđača iz tačke I. ove odluke ocijenjena je prihvatljivom, u skladu sa članom 2. stav (1) tačka I) podtačka 1) Zakona o javnim nabavkama, a u skladu sa kriterijem za dodjelu ugovora, Ponuđač je ponudio najnižu cijenu nakon provedene e-aukcije.

III.

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

IV.

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine - Generalnog sekretarijata Vlade Federacije Bosne i Hercegovine, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak nabavke pokrenut je Odlukom o pokretanju postupka javne nabavke, broj: 06-11-94-1/2023-R-7 od 01.11.2023. godine. Javna nabavka provedena je putem otvorenog postupka. Ukupna procijenjena vrijednost nabavke iznosila je 8.300,00 KM bez PDV-a. Obavijest o nabavci poslana je na objavu 02.11.2023. godine, te je istog dana objavljena na portalu Javnih nabavki pod brojem: 854-1-1-172-3-37/23, a Sažetak obavještenja o nabavci objavljen je u „Službenom glasniku BiH-Oglasnik javne nabavke“, broj: 76/23.

Tendersku dokumentaciju preuzela su 23 (dvadesettri) privredna subjekata, a 6 (šest) ponuđača dostavilo je ponude u predmetnom postupku nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: PRINTEX d.o.o. Sarajevo, „INTER-COM“ d.o.o. Zenica, „ELUR“ d.o.o. Kiseljak, „SYSTEM ONE“ d.o.o. Sarajevo, „R&S“ d.o.o. Sarajevo i „UNIVERZALNO“ d.o.o. Sarajevo.

Stalna Komisija za provođenje postupaka javne nabavke roba, usluga i radova, imenovana Rješenjem, broj: 08-30-95/2023 od 22.02.2023. godine, izvršila je pregled i ocjenu ponuda, te konstatovala da su, od ukupno 6 (šest) dostavljenih ponuda, prihvatljive 4 (četiri) i to ponude ponuđača: PRINTEX d.o.o. Sarajevo, „ELUR“ d.o.o. Kiseljak, „R&S“ d.o.o. Sarajevo i „UNIVERZALNO“ d.o.o. Sarajevo, dok su 2 (dvije) neprihvatljive i to ponude ponuđača INTER - COM“ d.o.o. Zenica i „SYSTEM ONE“ d.o.o. Sarajevo.

Ponuda ponuđača „INTER - COM“ d.o.o. Zenica neprihvatljiva je iz sljedećeg razloga:

- u Aneksu 3 - OBRAZAC ZA CIJENU PONUDE – ROBE (KOMPJUTERSKA OPREMA)

- u tabelarnom prikazu pod rednim brojem 1. RAČUNAR u rubrici “Tehnička specifikacija”, između ostalog, traženo je: “- Procesor: minimalna frekvencija 2.1 GHz, minimalno cache 3 MB, minimalno cores 2, minimalno threads 4”.

Pregledom ponude, odnosno tehničke specifikacije, konstatovano je da je ponuđač ponudio računar sa procesorom 2 threads što nije u skladu sa traženom tehničkom specifikacijom.

Ponuda ponuđača „SYSTEM ONE“ d.o.o. Sarajevo neprihvatljiva je iz sljedećeg razloga:

- u Aneksu 3 - OBRAZAC ZA CIJENU PONUDE – ROBE (KOMPJUTERSKA OPREMA)

- u tabelarnom prikazu pod rednim brojem 2. MONITOR u rubrici “Tehnička specifikacija”, između ostalog, traženo je: “- Veličina ekrana: minimalno 23,8””.

Pregledom ponude, odnosno tehničke specifikacije, konstatovano je da je ponuđač ponudio monitor veličine ekrana od 23,6" što nije u skladu sa traženom tehničkom specifikacijom.

U skladu sa Pravilnikom o uslovima i načinu korištenja e-aukcije („Službeni glasnik BiH“, broj: 66/16) provedena je e-aukcija dana 04.12.2023. godine, sa početkom u 10.00 sati.

Nakon provedene e-aukcije, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-11-94-1/2023-R-7-10 od 05.12.2023. godine i Preporuku o izboru najpovoljnijeg ponuđača PRINTEX d.o.o. Sarajevo, sa registriranim sjedištem u Sarajevu, ID broj: 4200597450005 za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.



Dostaviti:

1. Svim ponuđačima u postupku
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove